

卷八

書名 新編古今事文類聚外集十五卷 泰定三年廬陵武溪書院刊本
 撰者 元 富大用 撰
 卷 卷八
 內容分類 子 類書 彙考 宋
 索書號 貴重-19
 編號 C5930300

[彩色首頁1](#)
[彩色首頁2](#)

[東洋文化研究所漢籍目錄 編號: C5930300](#)

[東洋文化研究所漢籍目錄所藏漢籍善本全文影像資料庫 索書號: 貴重-19](#)

[漢籍善本全文影像資料庫文本新編古今事文類聚外集十五卷 泰定三年廬陵武溪書院刊本](#)

版權所有: [東京大學](#) [東洋文化研究所](#)
[使用上的注意事項](#)

東宮部

新編古今事文類聚目錄

南江 富大用 時可 編

三師三少

各具本題之下更不具載

各具本題之下更不具載

廣受師少


令太子拜

見輒先拜

請赴資善堂

生員輔弼

No. 1473 五



不許複製



新編古今事文類聚卷之八

諸使司部

提刑按察使

外集

歷代沿革

周正觀初遣大使十二人巡省天下諸州水旱則有巡察安撫之名神龍二年以五品已上二十人

為十道巡察使按舉州縣再周而代景雲二年置十道按察

使每道各一又開元二年改曰十道按察採訪使置使四年

罷八年復置十道按察使二十年改曰採訪使分十五道二

十五年命諸道採訪使考課官吏善績二年一奏永為常式

天寶末又兼黜陟使乾元元年改曰觀察處置使宋開元五

年遣常參官四人分詣諸路相度田土苗稼點檢採訪公事

九年遣和峴江南道採訪淳化二年諸路轉運司置提點刑



獄景德中始置諸路提點刑獄公事以朝臣充掌察所部疑留獄訟勸課農桑而按其官吏之不法者慶曆二年詔諸路轉運使並兼按察使每歲具官吏能否六年罷之熙寧中嘗遣使採訪以聖中詔三歲一遣郎中御史按察諸路監司

太宗 各道置提刑按察使有副使發書公重為之式又置經歷知事等員至元二十八年改肅政廉訪司

羣書要語

汝陳時臬書書用告尔祥刑同上奉茲星使採訪風謠六帖周適四方列行風俗漢方八使觀採方言同上

勤宣帝命敷求人瘼同上今雖遣大夫循行風俗衛命糾察以黜陟為名揚虎視之威厲秋鷹之爪華嚴表

詩句

願君五袴手報此米粟魂一見刺文天稍忘獄吏尊東坡

同使節郎星朝斗作台星楊誠齋使星移照天西去曰鷲背陳

選不佳同上憲畫師表光且取灑溪閣下灑溪井云云陽春有

脚來江城銀漢乘槎移使星嶺上梅花莫漫發先遣一枝迎玉

節同上方丈蓬萊第一人星軺玉節正青春同上却從吾州奪

吾侯一州奪與二十州梅花一笑迎漢節桂花八株吹嶺雪使

星歸去作台星超過郎星與卿月同上

古今事考

綉衣使者

暴勝之為直指使者衣綉持斧以出討盜賊漢書

朱公前導

舊制兩省密出使得朱衣吏前導唐職林

捕督盜賊

熙寧十年以丁執禮為河北西路提刑使上諭之曰卿職在刑

獄盜賊最急宜用捕督盜賊

平反獄訟

高賦言國家置提刑司蓋欲平反獄訟使民不冤詳見檢法門
洗冤澤民

濂溪先生周敦頤提點廣東刑獄不憚出入之勤瘡痍之侵雖
蒼崖絕島人跡所不至處亦必緩視徐按以洗冤澤民為已任
淵源錄

訊獄活囚

馬亮徙福建提刑獄亮至部覆訊冤獄全活者數十人

諭民作詩

何耕字道大除潼川提刑諭民作詩四十二篇語平易而教化
寓焉郡邑家有其書強暴犯法父老必誦曰汝不誦何公詩乎
往往知悔周益公集

諭盜原罪

元祐中祭擬起知南安軍擢江西提點刑獄時盜賊為江西禍
建八州之患擬告諭所部私諭藏器甲者其首納原其罪所得
兵械以萬計於是盜賊者哀東都事畧

立榜伸冤

公先提點荆湖北路刑獄衡人思之繪公像建祠于城東毒草
寺再使湖北先告入境而奸吏望風解去緩者數十人按部所
至立大榜於前云父負抑冤州縣不理者立其下於是積年無
告之冤咸得伸雪濂溪先生王庭珪撰向子志存狀

諭囚獲罪

鄭丙為廣西提點刑獄歸正沙世堅素武勇坐賊次既靜江公
時為憲部有劾賊未獲公諭世堅立功贖過世堅誠渠魁以獻

閱兵止奸

呂居簡擢提點京東刑獄徐州人有告孔直溫等挾妖法誘軍

士為變而運使不受理者居簡亟令改狀合巡尉捕其黨誅之
詔迂一官已而濮州復有叛者民相挺警濱居簡馳往得其首
惡誅之因大閱兵饗士奸不得發詔又迂一官

神宗實錄
必舉贓罪

順帝選有盛名周峯杜喬梁色張綱等分行天下刺史二千石
有贓罪顯明者驛馬上之墨綬已下使輒收奉

布宣德澤

裴度以對封員外郎知制誥田弘正效魏博六州于朝憲宗遣
度宣諭弘正知度為帝高選故郊迎受命且請徧至屬州布宣
天子德澤媿人歡服还拜中書舍人

往使建節

司馬相如建節往使蜀太守以下郊迎縣令負弩先驅

所過畫圖

李訓拜侍御史持節使幽州慰抚北狄所過皆圖山川川屯田
聚落百餘卷奏之

使民歸本

李襲善擢江南巡祭大使多所黜陟揚州江吳大都會俗喜商
賈不事農襲善為引雷陂水築勾城塘溉田八百頃以盡地利
民多歸本

唐本傳

禁民淫祠
狄仁傑為江南巡撫使吳楚俗多淫祠仁傑一禁止止留夏禹

吳大伯李札伍員四祠

唐本傳

循行天下
漢元帝詔臨遣光祿大夫王褒等十一人循行天下

住昭遺謂
曰臨而勿救遺之

武帝遣博士循行天下

特招使者之任也

巡視州縣

張廷珪請復十道使巡視州縣帝然納之因詔陸象先等分使十道

宣布聖德

立春遣使者循行風俗宣布聖德存恤孤寡問民所勞苦二千石咸宣傳

覽觀風俗

王莽遣使者分行天下覽觀風俗王莽傳

處決平恕

唐馬懷柔以十道使黜陟江西處決平恕

多振免滯

刘祥道詔巡察關内道多振免滯

發粟賑貧

武帝時河内失火使黯往視之黯言不足憂臣過河内河内貧人傷水旱之餘家臣謹以便且持節發河内倉粟以賑貧民請解節伏矯制罪

持節承制

王莽遣使持節承制乘傳使者經歷郡国日且十輩

持節勞徠

唐貞元八年州縣大水權德輿建言宜遣羣臣明識通方者持節勞徠

勞問循慰

正元八年至陟中書舍人江南淮西皆大水詔陟乃問循慰所至人人便安

振贍流民

孔光為博士數使銀堂獄行風俗振贍流民奉使称旨由是知

繩糾吏治

皇亮素天佐五載為之西山南黔中嶺南黜陟使繩糾吏治所至震畏

分道賑贍

劉忠立在高宗時為各御史時河陽人皇詔遣御史中丞崔謹等分道賑贍忠立言蚕務未畢而遣使撫巡所至不能无勞擾

巡邊請行

程昇同平章事明年西北軍政不治議置巡邊使憲宗問孰可者乃自請行

持節行郡國

洪昭帝始元元年遣王平等五人持節行郡國至賢良問民所疾苦免失職者

持節詔郡國

宣帝始初遣使者持節詔郡國二千石謹牧養而風德化

陸贄陳五術

陸贄補渭南尉德宗遣黜陟使十一人行天下贄說使者請以五術察風俗聽謠頌審其哀樂納市賈觀其好惡訊簿書考其爭訟覽車服等其儉奢省作業察其趨舍

子昂對三事

唐陳子昂對三事一言九道出大使巡按天下申黜陟求民瘼臣謂計有未及也且陛下發使必欲使百姓知天子夙夜憂勤羣臣知考績而任之也奸暴不逞知將除之也則莫不擇仁可恤孤明可振滯剛不避疆禦智足以照奸者為使故輔射未動而天下翹待今使未出道路之人皆已指笑欲望進賢下不肖豈可得耶

八使出巡賦

張文正

明明漢皇文物昭彰順帝以化俾人從康將欲敷聖以奉皇綱
 乃分國之八使而宣命於四方八使伊何朝中之善將假其權
 尤難其選稱直指而獨立歌皇華而分遺綉衣既盛於新儀四
 牡載光於古典當官而行受命無恭善微毫而必奉匪纖芥而
 必取幸善者必尋其清流之源貶惡者必去其何諛之詞或負
 官闕之厚援不顧城社之微託无具薰燒不驚猶繳肆豺狼之
 毒懷梟獍之惡徑持斧而前進歛下轄而直搏誓將去大莠而
 拔盤根安問狐狸之與烏雀其有銳心公器戮力王室知賢才
 而能進察奸佞而能黜必將上聞於天子寧俟於終日道之不
 憊人亦焉獲操利劍而刺其固懸明鏡而燭其幽使乎使平方

方制德天下之治也賢者當其權天下之亂也
 詐偽之訟採妖艷之色方直者干以退藏阿諛者由是登陞
 謂之治也然適足以亂其國我國家統紀有經超古作程未嘗
 典之考績法漢家之分行舉八元而晉天輯睦按十道而擢
 澄清太階既平君聖臣明豈待久於其道而後天下化成
 古詩

送蔡定夫使廣東

楊廷秀

國朝以來妙人物近世獨數乾道年右皇乃武再開闢欲傾東
 海洗乾坤九淵採珠岩採璞天地為網且羣賢玉堂金鉉貯擢
 欽蓬山壁水俱崔班追還慶曆元祐初突過正觀開之前麟臺
 正字蔡夫子乃祖元是四諫官風流文采已碧梧忠義慷慨仍
 青氈折檻舊痕故無恙右皇是日動龍顏嚴霜烈日照鴉鷺
 一身似葉飄淮壘柴門僵卧三臘空魚公僅續一線右皇九

重念五嶺生愁雨露南方乾詔謂正字官居中皆為口行後日
蠻梅花迎笑錦囊古南斗退避文星寒動搖山岳細事耳約果
海若收波瀾坐令百姓方里外墮在二陝三輔間高柳結
泥紫歸來徑著侍臣冠我家江西更西颺白鷺洲對原山公
歸肯訪老翁否酷酒滿眼未必然青鸚白飯聊隨綠
律詩

送許覺之奉使東川

王介甫

三秋不見每惓惓握手山林復悵然後會敢期黃苟日相看且
度白雞年畏塗石棧王尊馭榮路金門祖送鞭一代官儀新漢
拂得瞻宸宇想連留

送劉和父奉使江南

王介甫

劉郎今日擁旌麾傳到江南喜可知一家還須擊羊豕下車應
不問狐狸無人敢勸公茶酒為我聊尋逸小池亦見嶺頭花爛

漫更將春色寄相思

送洪使君

劉克莊

雖擲朱幡貴清臈兩鬢霜判花人競誦詩草土深藏農飽田
賦州貧為採薪歸無媿面應可見巖光

和夢詩寄夢池

孟浩然

南紀西江開草創更雄載流寧假楫困帝自生風察案爭奪
鶴魚龍亦以騷明曰官湖入掉歌中

送曹郎中往使西川行在

韋莊

拜書辭玉帳方里劍關長新鳥在已綠袍春草香一身朝玉
陛幾日過鋼梁莫亦憐為醉仙宮侍侍郎

送張天蒼使河東

孔常甫

曾立玉揮聯近待新持金節領諸侯屠龍技兩終須用探虎功
夜未肯休

酬裴司空

韓退之

銜命山河扶亂師日馳三百自嫌遲風霜滿面無人憐何處如
全更志詩

奉使京西

李涉

盧龍已復兩河平烽火樓邊處一耕何事書生走羸馬原州城
下又添兵

奉使鄂渚

滄州不復亦漁竿白髮那堪帶鐵冠客路向南向處是蘆花千
里雪漫漫

送崔貞外使回入京

陸暢

六宮星裏一星歸行到金鉤近紫微侍史別來經歲月全宵應
夢護香衣

奉和聖制送十道採訪使及期集使張九齡

三年一上計乃因趨河洛首路廻符分鎮揚木鐸昭明勸美
文殷勤存久廢

送期集使

王維

玉乘迎天客金節送詔侯祖席傾三首襄帷向九州

韓退之

金虜勒燕然鹿麕登劔履翻然西河朔坐去東都水

同前

朗朗聞街鼓晨起似朝時翻二走驛馬春尽是歸期

楊廷秀

室儲依舊我身游蕩節何曾遠漢魏衣絲
服太湖秋

轉運使

職制沿革

唐先天二年李傑始為水陸發遣使供之於
此開元二十一年裴耀卿以待中充平南淮南轉
運使而建希沅兩使為副副使如此天寶以常以充為高轉
運使第五琦充諸道轉運使劉晏充諸道轉運使後韓滉
杜棕仕議能權昭符皆以宰相充使而諸道分置巡院皆統
於此能巡院始置轉運使 藝祖開基徵五季之
亂藩臣擅有財賦不歸王府自乾德以後潛偽略平始置諸
道轉運使以摠利權開寶六年鎮南平除徐澤為判官並轉
運判官始此其轉運使之名國初但曰勾當某路水陸計度
轉運事官高者則曰某路計度轉運使太平興國初省曰使
兩省以上則為都轉運使又置副使與諸路判官又置同勾
當轉運事俄罷諸路副使真宗每用兵或命都部署兼轉運
使王師在討則有隨軍轉運使事畢即停至道中詔曰天下

物宜民間利病惟轉運使得以周知今更令赴闕庭見詢問
焉慶曆中皆帶按察之任六年罷之先是判官為轉運事權
而能至嘉祐中復置 熙寧二年詔轉運使用

本資序入即充資序下一等為權二等為權發遣中以來
逐路都轉運使除授不常唯使副判官常置舊制轉運使除
授皆命詞給誥渡江以後例給敕命後稍復舊制轉運使副命
詞運判則不六年諸路運判亦命詞給告宗紹熙以來使
副運判不除 **大元** 置都轉運使使正三品又有同知副
使又置諸轉運使從三品有同知副使又置諸轉運使從六品
有副使知事等員

職制要語

粟行二百里則國无一年之積粟行四百里无三
年之積行五百里則粟有憂色官任之者每轉輸正
秋白六帖漕運宜賦 漕引在貢充羨王府 國用儲

當富庶之朝宜崇漕運之任 領漕輓之務必在公勤 並位
漢追糧道交於丞相 肅州事 晉開較運任在尚書 任元凱事並
六州陝路漕引悉歸中都 唐大詔令 督餽朔都 曲阜行河北運
副制 鈞校好賊未裁 賦取公財不耗 疲人樂生 杜牧甚論制館
牢籠漕輓之職 同上 尔又奏議論見推時輩又在斥服 宜知朕
旨將輸之任 較以放行 尔其布宣朕不返棄 張于湖除 慶路運
判出總舟車之餽 曲阜行 陝西運使制 往總一方 刺篤之任 行
河北轉運制 遠採漢興設制 卒之官 近矣 唐制考將漕之最 湖
文 奏行 趙良規制 賦輿街增 勿輸 錯出 同上 分部而名 難以將
漕 其矣 在於 撫庶務之子 奪察 羣吏之能 否 南豐 徐蔡 輝制

古人事實

漢廷相拒 梁陽 蕭何 守關中 計 轉漕 於 食 之 高祖 曰 鎮國
饋餉不絕

家撫 且 外 給 饋 餉 不 絕 糧 道 吾 不 加 蕭 何 漢 書 曰

轉輸不絕

漢光武拜寇河內太守 謂曰 河內全富 吾將因是而起 昔高
祖留何鎮關中 吾今委公以河內 堅守轉運 給足軍糧 光武於
是北征 恂收租四百萬斛 轉以給軍 時軍食乏 恂以輦車驪馬
轉輸 前後不絕 後寇恂傳

漕給中都

高帝時 漕山東之粟 以給中都之官 不過數十萬石 孝武通西
南夷道 作者數萬人 千里負擔 魏糧必千餘鍾 致一石 取官分
漕給京師

昭帝五鳳中 耿壽昌奏 言故事 歲漕關中穀四百萬斛 以給京
師 用卒六萬人 宜糴三輔 洪農 河東 上黨 太原 郡 穀 足 供 京 師
可以省關中漕卒過半 前食其志

開渠通漕

元宗擢韋堅為陝郡太守水陸運使漢有運渠起關門西抵長安引山東租賦堅乃占咸陽壅渭為堰絕灞澇而東注永豐倉下復去渭合初澇水之左有望春樓堅于下濬為潭以通漕帝為升樓詔羣臣臨觀詔曰關輔之間尤資穀贍比來轉輸未免艱辛故置此潭以通漕運万代之利一朝而成唐韋堅傳

置倉省運

唐裴耀卿同門下平章事充轉運使於是置河陰集津三門倉引天下租繇鹽津沂河而西三年積七百石省運費三十万緡或說耀卿請進所省脚錢以明功利耀卿曰此蓋公家盈縮之利尔不可以求寵乃奏充所司和羅等錢明年遷侍中

置吏督察

唐韋堅善探候主意見宇文融等以力剝財物爭行進奉而置

恩顧堅乃以轉運江淮租賦所在置吏督察以裨國之倉庫

負米先極

劉晏為元載書曰見一水不通思荷鋪而先往見一粒不運使負米而先趨黑心苦形期報明主晏以轉運為任如是

通貨盈虛

唐王播字明歇充諸道轉運使程昇為副昇尤通万貨盈虛

案牘剖析

王播充諸道轉運使雖案牘鞅掌剖析如流黠吏詆欺无不斂

必先利病

劉晏以轉運為已任凡所經歷必先利病運米數千万石以濟

并察治否

關中分紀

潘孟陽加監鐵轉運副使并察諸侯治不孟陽所屬多諸侯至孟陽
賓客留連倡樂唐書

飛芻輓粟

秦欲攻匈奴使天下飛芻輓粟起於黃陞琅琊至負海之郡轉
輸河北率三十鐘而致一石前漢書

木牛流馬

諸葛亮長於巧思木牛流馬皆出其意

糧儲粗備

范忠宣公純仁自陝西轉運副使召還神宗問曰卿在陝西之
主漕輓必精意邊事城郭甲兵糧儲如河公對曰城郭粗安甲
兵粗修糧儲粗備言行錄

賦斂寬平

王待制質行荆湖北路轉運使嘗用兵西之急於財用之時

不進羨餘其賦斂近寬平治以常法他改不勝其弊而荆湖之
人自若言行錄

較入歲增

李巽杜佑表為監鐵轉運副使俄代右使任自劉晏後職廢不
振賦入廢耗巽蒞職一年較所入如晏最多明年又減之又明
年增百八十萬緡

按行利病

劉晏時大兵後斛米千錢禁膳不兼時旬裝援種以輸晏乃自
按行浮淮泗達于汴入于河右循砥柱碣石觀三門遺迹至河
陰鞏洛見宇文愷梁公堰厥河為通濟渠視李傑新隄盡得其
利病

詳其心計

范旻為淮南使大祖遣曰卿貧且所須盡備用錢以便宜

從事不必一一中覆也每歲運食百餘石以必京師時論計其有心計

勿以秋運

揚誠齋萬里謚文節漕運江東凡行部常禮一切不納至於折俎交饋秋毫勿以自入悉歸之官為錢二十六百萬同上

奏減丁稅

蔡襄為福建路轉運使復古塘以溉民田人利之為生祠于塘側又奏乞減閩人五代時丁口稅之半相守實錄

代輸郡稅

程大昌字泰之徙江西路運副公曰可以興利除害行吾志矣歲儉出錢十餘万緡代輸四郡五等夏稅折帛渴飢民為盜之原言行錄

虛虞振飢

前漢山東水災民飢天子遣使虛郡國倉廩以賑猶不足使者分部護冠蓋相望費以億計

發粟濟飢

李士衡為河北都轉運使既去調發得粟粟列郡有數年之積其餘以濟飢民賦官分紀

吏用驢輦

永平中理學范石曰河從都慮至羊肥倉欲令通漕太原吏人苦役連年无成轉運所經三百八十里前後沒溺死者不可勝算鄭訓知大功難立上言遂罷其役吏用驢輦歲省費億方計全活徒士千人後鄭訓傳

始募客舟

薛向為江浙等路發運使領均輸之職運舟兵士父相侵盜貿易甚則託風水沉舟以滅迹向始募客舟以官舟運其費亦而

物良舊弊悉去東都事略

輸六路

權邦彥為淮浙荆湖等路制置發運使轉輸六路道始懈檢欺
隱覈通亡責稽滯水程陸輟餘五里財用湊足於行在所億
萬計有詔嘉歎揚誠齋集

通漕河

魯宗道遷江淮發運使通真楊漕河發三堰舟楫便之歲入以
八百萬石食京師東都事略

鑿泗州渠

蔣之奇字穎叔擢江淮荆浙等路發運副使元豐六年始建鑿
泗州股渠以避長淮之險自是无覆溺自哲宗朝再為發運使
東都事略

疏支家河

其處厚紹聖初如蘇州者數月為江淮荆浙等路發運使疏支
家河通漕楚海歲漕六百萬石至京師又脩復泰州捍海
堰成復漕戶三十六萬民為立生祠同上

王鼎發八難

慶曆中王鼎為淮南江浙荆湖制置發運副使內侍王永德奏
請於下置鋪挽漕舟歲可省費六萬鼎議以為不可三司判官
一負將來德就鼎議發八難永德不復爭鼎因言陛下幸用臣
不宜過聽小人有所變更以誤國計於是永德言始不用居二
年遂為使

耀卿立中制

仁宗時都官負外郎吳耀卿景德中江淮漕米歲不過四百五
十萬石其後益至六百萬石故江淮之間穀價常貴而民貧請
約咸平景德中歲漕之數立為中制上乃詔發運司歲減漕米

五十万石国史

以備賑糶

大中祥符三年江淮發運使李甫言今年運米六百七十九万石諸路各留三年以備賑糶取官分紀

但惜民力

薛簡肅公天禧初為江淮發運使薛王文正公王無他語但云東南民力竭矣薛退謂人曰真宰相之言也言行錄

增米八十萬

張綸天禧中發運副使居二歲增米八十萬疏五渠導大湖入海復租米六十萬開長蘆西河以避復舟之患又築高郵北漕以備非常仁宗謂執政曰發運總六路之廣財貨調用幣帛穀粟歲千百萬宜得其人而又任之擢元章閣待制在職十有三年同上

歲漕餘百萬

許元擢江淮荆大制置發運判官既又為使元曰以六路七十一州之粟不能足京師吾不信也至則治千艘浮江而上禾數月京師足食乃考故事明信令發斂轉徙遠近遲速賞罰皆有法凡江湖數千里外談笑治之不擾勞而用之足歲漕六百二十萬至京師而常餘百萬東都事略

編財賦科約

李文簡公壽字仁甫號巽齋先生除潼川路轉運判官州縣多橫斂公選官置局枯一道財賦列其名色使有無相補助三年中數而為帳編示官吏名為科約至今不廢言行錄

置財賦都簿

文簡公劾運江西置一路財賦都簿未幾召還乞令本路毋廢此書言卿不為高論務在便民甚善

供調百萬億

李士衡河北漕真宗幸澶州東封西祀供調百萬億士衡有力焉

減治數十萬

陳文惠公堯佐為河東轉運使河東地寒而民貧奏除石炭稅減官治鐵課歲數十萬以便民曰轉運征吏之官也利有本末下有餘則上足吾豈為俗吏哉言行錄

開營田贍邊

歐陽脩出使河東開營田以贍邊儲至今賴之初執政委脩以河北之漕亦幸其不職而汗媪其才脩至頗稱其職

興水利漑田

將之奇遷淮東路轉運副使歲飢募民興水利以食流冗營田九千餘頃如楊之天長二十六陂與宿之臨渙橫斜三溝此其

大有也東都事略

致堯劾魏庠

曾致堯為兩浙轉運諫議大夫魏庠知蘇州介舊恩以進致堯劾其罪大宗旨是敢治魏庠可畏也

富弼薦王紘

富弼薦王紘為江東轉運紘嘗言不法之人如使肆貪於一郡一邑害良民千万家不若去之不止利一家

吏不得為姦

慶曆中王鼎遷尚書刑部郎中天章閣待制河北都轉運使科率稅賦事皆躬親吏不得為奸

豕莫敢為非

王素為淮南都運所布耳目甚廣人人若素坐視其家莫敢為非

官吏為三等

景祐元年令諸路轉運使副察所部官吏能否辨為三等公勤兼幹文武可取利益於國惠及於民者為上幹事而無治聲者為次畏懦而貪慢公不治賊狀未露濫聲頗彰者為下並列狀以聞

邊粟支二年

蔣之奇為陝西轉運副使經賦所入以給用度公私用足比其去庫緡八十餘方邊粟皆支二年東都事略

一切繩以法

孫甫為兩浙轉運使范文正守杭州以大臣或便宜行事公曰范公貴臣也吾出於此不得不伸於彼矣由是一切繩以法而常以監司自處范公遇之無倦色及退而不能無恨公遇范公不少下退而未嘗不稱其賢也言行錄

未嘗按一吏

陳文惠公堯佐六為轉運使常以方嚴肅下使人知畏而重法至於過失多保佑之未嘗按黜一吏

最為識大體

張士遜出為江西轉運使辭王文正公於政事堂公從容曰朝廷推利至矣士遜起謝後迭更其職思公之言未嘗求錐刀之利識者曰此運使識大體同上

可為諸路法

鮮于侁字子駿閬中人范景仁卒所知除利漕兼提舉常平上曰鮮于侁定利路役法可為諸路法又上書陳時政闕失曰可為憂患者二可為長大息者二移京東轉運使

頗特在禁中

李迪真宗問陝西兵數對曰臣為轉運使時以方寸小冊記兵

及糧以備調發今猶置佩囊中真宗今擇取之因給紙令上數
以進曰不意頗效在吾禁中矣

賜緋衣

侯陟除淮南轉運使賜緋衣袋帶以錄人才也

賜羊酒

王隨直史館出為京西轉運使時隨父母在洛中京西乃其所
部也真宗賜詩寵其行復以羊酒賜使過家時人榮之陳都事

古尺文集

雜著

淮南轉運使謝上表

蘇頌

贊畫甘泉久玷三臺之末觀風淮甸驟陞數使之榮朝寄匪輕
地望兼重愧非才選雖定厥官姑謹詔期趣行所部龍靈所被
畏馬非常竊以州郡備官所以分釐於民務朝廷遣使所以布

宣於王恩付一道之事權用六條而率察賦典出內俾以均輸
吏治不臧責之薦黜自匪懸更於事任詎能振爾於治綱君臣
者才不足以適時慮不足以經遠偶緣資級之例得從選用之
階始自書坊出分使竹俄從褒服入佐計籌粗收歲月之勞蔑
著毫分之效豈謂伏遇 皇帝陛下祭庶工之任使於人職之
良勤技於省僚授以利柄矧惟清海之郡寔盜東南之衝昔號
奧區今逢樂歲五稼盈疇而遂茂四人勤力以厚生料乎漕運
之程无煩趣辦之急惟當敷宣惠澤通究物情編齊之利病可
更立求其本刑政之重輕或失當適其中止期靖嘉少稱論擇
若乃事以貌以為風采尺銖兩以斂民財額在儒愚誠多闕略
重念上慈天覆聖治日新官无内外之殊事悉憂勤之繫昨臣
受任之始獲面於清光 陛下臨遣之言曲加於勉諭自負最
為於踈遠何圖亦記於淵衷豈非以委任之優故特示俯借之

厚雖乾坤平施非報謝之可言而大馬微生第勤勞而思奮倘
驅馳之有用期終始以无渝

江東漕謝到任表

貞德秀

兩螭夾侍又點近班四牡載馳叨分劇部假中祕隆濡之寵為
外臺將指之光望過所期感深以揚臣某中謝伏念某材非適
用幸有逢辰屬洪廷更化之初首唐室登瀛之選金衮夜直承
密命者六其玉陛晨趨對清光於再稔凡吮墨濡毫之任皆振
縷裁弁其間吏責既稀所願優繇於迹列主恩未報寧忘眷戀
於不朝其如親闈喜俱之年當謹人子清溫之戒輒援公輔辭
翰林之請庶幾備岳奉版輿之權分太守之符日須成命出少
府之節遽昌殊息懷章而過里門閱宿而臨封部敬卜中和之
節重宣寬大之書輶傳初馳旄倪爭觀謂朝廷所以輟柱下之
去蓋聖主所以惠江左之民因博采於風謠頗究知其疾苦以

匪整之家而困追需之目以委豐之歲而多流徙之人官无足
證之簿書里有誰平之徭役文移星火不勝胥吏之誅求牒訴
丘山半為賦租之煩重以言及此勿採可辱輒彈朝夕之咨諏
兼体公私之緩急賦難遽省蓋漸指賦外之征民未易蘇當先
去民間之蠹竊自量其絲薄恐終負於選掄茲蓋恭遇 皇帝
陛下洪造曲成大明博照念臣志存將母俾獲便於旨甘知臣
事本愛人欲稍觀其政事肆加遠戩仍畀重權臣敢不以阜俗
為阜財之方以悅民為悅親之本漕輸所仰媿初无鞭笞之能
擗節是先唯敬佩玉音之前

廣東除運判謝到任表

劉克莊

更氏命官法宜久任漕臣之使思許驟迁外竊光華內叢憂懼
中謝臣恭惟列聖尤重遠臣在裕陵時命端頤之前輩及厚典
世用光朝之老儒非取其趣辦之能蓋責以將明之事必臣迂

拙荷止使令憤士風之垢汗慨國計之殫之雖有范滂之志終非所長豈無韓滉之心不瞻於力君命幾於辱矣臣罪猶自知之曾謂選掄就分飛輓塞下之餉方息惶中之余復與每於吏民相告語之間具言朝廷不得已之意然而東南之勢久矣弓張中土之家今皆餅罄芹味若可羹而為獻葵根恐因刈而愈傷况詔書之丁寧極聖意之潛担若為展究稍釋顧憂效蓋伐遇皇帝陛下德照百官明見万里並收多士莫非建功立事之才不棄諸生有取固本深根之說乃如孤外亦在選中臣取不益秉公清少蘇凋瘵馳驅原隍務畢達於下情臨履淵冰庶不墮於晚節

請置廉察罷轉運議

黃元

惟王建国稽古治人既設其官必立其長歷觀方冊可得而知其在唐虞則十有二牧在三代則有連坐焉有方正牧焉在兩

漢則或稱刺史其稱州牧其實一也至皇唐則其大府有節度其次有觀察皆所以綱舉百職柄持幾政作天子之藩宣也是故民之所仰望吏之所畏服朝之所毗倚其官必重其人必賢也今則不然外官小六百足及賴悉統之轉運轉運非古也起唐中葉所以督錢穀而已夫今夫用錢穀之職抱守案之官守宰主宣教化者也教化義也錢穀利也利與義不能兩全是以下憂歲之不登而民之不粒上恐財之不豐而貢之不多是上下相疾也矧其充使者不過郎官御史其官既輕其人未必賢是民所仰望者卑也吏所畏服者弛也朝之毗倚者輕也使政不平刑不清和氣未充祥烏未來得非由此故有蠶竟之民竊議於下曰錢穀之職宜委之郡守郡守縣宰宜統之廉察則廉察宜置轉運宜罷也所以復古官也不使吾民謂天子重利而薄義也不知朝廷三事大夫為是邪為非邪

古詩

送劉士茂赴福建漕

黃山谷

西風持漢節騎從嚴弓力維隨七聚落渾孤困吏饑墜上敵不黍
照水煩鮮於勞南驅將七氣百城共一陶察人極淫屑問俗及
豚羔

謝鮮于君

蘇子瞻

我懷元祐初珪璋滿清班維時南瞻老奉使獨不還迂叟向我
言青齊歲方艱斯人乃福星遣出虛危間

送程之元江西運判

張文潛

歸去明光見天子還把一節大江西年來屢下寬大詔赤子未
免寒与飢恩初受病政如藥知病与藥何由治此行委寄意不
淺列城數十受指麾

上漕使

唐子西

持節三千里提封一十州天文占使入北上覺錢流更有信前
言最無賦外求事按餘日畢政舉大綱休利源乾後溢民瘼猶
還廖印給中臺筆行馳外部籌

律詩

送程公闕轉運江西

王介甫

江西一節鑄黃金最烈章濱父老心直孺重來真強予次公公今
不異重臨餘風尚有歡謔在陳迹非无勝事尋豫想新詩能寄
我十年華省故情深

送韓希道

移漕江東

周必大

饋餉隨蕭不作難秦淮今視漢秦關天開虎踞龍盤處地近雞
翅豹星間洗印先經三峽寺觀風掃踏九華山及收奇秀歸詩
葉却赴賡歌供奉班

送芮国器察院漕廣東

周必大

星聚曾尊德箕張各避風別離雙鬢與解近一首同五領官事
使高舟漁釣翁江分鴻不到書札若為通

送王詹叔利州路運判

王介甫

王孫舊讀五車書手把山陽太守符未駕朱轡辭輦鞍却分金
節伍約輸人才自古常難得時論如君豈又孤去去便看歸奏
計莫嗟行路有崎嶇

送周元古顯謨左司將漕湖北

楊廷秀

君詩日日說歸休忽解西風一葉舟黃鶴樓前作重九水晶宮
裏過中秋職親六閣仍金馬喜入千屯看木牛繡斧光華誰不
羨一賢去國欠人留

又批周郎攜小喬武昌赤壁醉嬌饒蜀江雪水來三峽吳苑風
煙訪六朝秋月春花出肝肺新詞麗曲入笙簧歸來却待金不
殺夢看霜毛映耳貂

板此江湖漫浪翁相逢選宿首西東兩窮握手論詩後一笑投
膠入漆中臨水登山公別我青鞋布襪我從公貂裘已博江西
艇只待黃花半席風

送沈虞卿秘監修撰將漕江東

楊廷秀

蓬萊仙伯沈東陽領袖諸儒大極旁東壁三屏雲漢近西崑羣
玉簡編香雞翹豹尾无多子錦纜牙樞有底忙建江山入詩集
却歸天上侍虛皇

送韓子奕檢正將漕江東

楊廷秀

宰士仍名士詩人更德人還家桐樹古攬纒繡衣新不以髯漫
雪而志向裏春登庸衣鉢在得憑大江濱

送沈虞卿秘監將漕江東二首

洪邁

天上圖書群玉府仙晨日月道家山持行人是在煙霄地夫之猶
參論議班使者繡衣看更好從官華鬢未應慙寒帷了却江東

事不到終更使賜環

元復同趨尺五天湖山佳處想聯翩看君揮手謝送者使我銷
寬惟黯黯然閉雨不成張祖席停雲空自寄詩篇過家莫作多時
住聞道東人正可憐

送陳魯安使君赴廣西漕

劉克莊

闔郡留无計忽忽奪父師使君三月政遺老百年思遠宦生華
髮輕裝載舊碑海山應有恨未得謝公詩

送林子方吏部將漕江東

樓鑰

光范三紀煥文章空閣芳堯謹秘藏寓直到君才第四皇華礼
衆遠增光

望郎三度到長安重上青雲作好官暫向江東一澄按却歸徑
看侍臣冠

自說稱康七不堪上教持節向江南江南父老應相賀見說清

事似此

寄江東真漕德秀

劉漫塘

金陵千古帝王都肉食何人解遠圖只有愛民真奈士不敷通
務漢三儒

錢雷都運

楊廷秀

朱幡玉節偏南紀錦帳綵衾擁望郎使星下臨翼軫旁西山南
浦回風光

贈漕運夏寺丞

魏野

威權自与轉輸同僕從衙庭事之雄十郡山河閑取掌一門忠
孝是家風

送傅安道將漕七閩

楊廷秀

一代風騷將百年忠義家出閩稱使者踏雪看梅花

獻張禮部

王禹偁

二十卷庸冠列仙當時便合掌王言因為甘露蘇黔者未放伴
雲入林道

送周元老將漕湖北

職親六閣仍金馬喜入千屯看木牛繡斧光華誰不羨一賢去
國大人留

送杜待御陝西轉運

陳后山

餽糧千里百無策木牛流馬功不休關中正須蕭丞相省內早
要富民侯

勸農使

歷代沿革

唐有農使勸農使宋至道二年以太常博士陳靖
為勸農使勸民墾田以大理寺丞皇甫璣光祿寺
丞河亮副之尋能宗德三年以諸道轉運使副使開封府知

府及諸道知州刺史少卿監以上並兼勸農使其餘知州知
軍通判等並兼勸農事天禧四年改諸路提點刑獄為勸農
使副兼提點刑獄公事各賜農田勅一部天聖四年令各路
轉運司自今勸農二司更不置司行道及索文字
勸農使司有勸農使副使各一人又有各道巡行勸農使凡
掌勸天下力田之事

古今事實

請付諸路

天禧四年利州路轉運使李昉請雕印四時篆要各民要指付
諸路勸農司

請行天下

唐宇文融開元中為覆田勸農使乃奏慕容珣等二千九人為
勸農判官按州縣括正立畝招徠戶口而分業之又其租地安

轉戶口使於是諸道收沒戶八十万田亦稱是歲終差到數百萬緡帝悅拜為御史中丞然史下希聖融自不能無後初議者以生事沮詰百端而帝意向之宰相源乾曜等佐其李公卿等同不敢異惟楊瑒以為籍外取稅百姓困弊生去迂融乃自請馳行天下事无巨細先上勸農使融与楊植矜父子以勾剽財物爭行進奉而致恩堅固

新編古今事文類聚卷之八

外集

新編古今事文類聚卷之九

南江 富 大用 時可

外集

諸提舉部

提舉

歷代沿革

提舉即國取壽昌常平之任也宋淳化中建常平倉景德元年今轉運司与長史等所部官專領之

然尤隸漕臣廩寧遣使提領此蓋提舉常平之所始也熙寧七年又詔三司蓋鐵判官李杞三司勾當公事蒲宗閔經畫川蜀買茶充秦鳳熙河路博馬就除提舉成都府路買茶公事杞於秦州宗閔於成都置司後改名都大提舉亦馬事九年府界歲內亦專置提舉常平倉一員不令司農丞兼領提